

Komisija za računovodstvo i reviziju BiH

Na osnovu članka 3. Zakona o računovodstvu i reviziji Bosne i Hercegovine („Službeni glasnik BiH“, broj 42/04), Statuta Komisije za računovodstvo i reviziju Bosne i Hercegovine (usuglašeni prečišćeni tekst od 10. marta 2006. godine), Komisija za računovodstvo i reviziju BiH (dalje: Komisija), na sjednici održanoj 10.5.2022. godine, donosi

Izmjene i dopune

Odluke o kriterijima i procedurama polaganja ispita za sticanje zvanja u računovodstvenoj profesiji u Bosni i Hercegovini

Član 1.

Ovim izmjenama i dopunama mijenja se i dopunjuje Odluka o kriterijima i procedurama polaganja ispita za sticanje zvanja u računovodstvenoj profesiji u Bosni i Hercegovini broj: broj:3-3/20 od 10.2.2020. u dijelu poglavlja:

II. Standardni datumi, vrijeme (termin) ispita, standardni formati i pravila

Član 2. stav 1. mijenja se i glasi:

„f) Nije dozvoljeno da kandidati zadrže ispitna pitanja nakon što završe sa pisanjem ispita. Sadržaj ispita (pitanja, zadaci, eseji) vlasništvo je Komisije. Strogo je zabranjeno: kopirati, fotografirati, snimati ili reproducirati, na bilo koji način, sadržaj ispita tijekom trajanja ispita ili neposredno po završetku pisanja ispita.“

„h) Mobilni telefoni, laptop računari, pametni satovi, kamere, slušalice ili bilo kakav drugi elektronički komunikacijski uređaj s funkcionalnošću pametne tehnologije na listi su zabranjene opreme na ispitu.“

„j) Kandidatima neće biti dozvoljeno da međusobno razgovaraju, komuniciraju u ispitnim dvoranama tijekom ispita. Bilo koji pokušaj od strane kandidata da prepisuje, razgovara ili komunicira bilo s kim osim s ovlaštenim licem od strane Saveza, ako kod kandidata budu pronađeni nedopušteni predmeti i radnje koji su navedeni pod f), g), h), l) ovog člana rezultirat će: udaljavanjem s ispita, ne polaganjem ispita te zabranom polaganja ispita u naredna dva ispitna roka.“

Član 2.

Ova Odluka sastavni je dio Odluke o kriterijima i procedurama polaganja ispita za sticanje zvanja u računovodstvenoj profesiji u Bosni i Hercegovini broj: broj:3-3/20 od 10.2.2020.

Član 3.

U slučaju postojanja kolizije odredbi ove Odluke i odredbi Odluke o kriterijima i procedurama polaganja ispita za sticanje zvanja u računovodstvenoj profesiji u Bosni i Hercegovini broj: broj:3-3/20 od 10.2.2020. važećim će se smatrati odredbe ove Odluke.

Član 4.

Ova Odluka stupa na snagu i primjenjuje se danom donošenja. Ista će biti objavljena u Službenom glasniku BiH i web stranici Komisije.

U Banja Luci, 10.5.2022.
Broj:54/22

Predsjedavajući
Komisije za računovodstvo i reviziju BiH
prof.dr. Novak Kondić